

**Stranda kommune****Næring og teknisk**

Saksbehandlar: Inge Bjørdal

Melding om vedtakVår ref.:
2022000814- 2

Dykkar ref.:

Arkiv:

Dato:
20.09.2022**Høyringsuttale til NOU 2022-6 "Nett i tide" frå Stranda kommune**

Det er gjort følgjande vedtak i saka:

19.09.2022 17:00 FORMANNSKAPET 091/22

Stranda kommune stør dei mange forslaga i NOU 2022-6 «Nett i tide» som fangar dei problemstillingane kommunen står overfor når det gjeld straumforsyninga, spesielt i Geiranger.

Vi vil spesielt legge vekt på følgjande:

- At noverande system ikkje fangar nye situasjonar tidsnok og dermed heller ikkje er i stand til å stette behov før dei oppstår (proaktiv planlegging). Konsekvensen at lokalsamfunn vert påførte store kostnader / tap ved at ei normal utvikling av næringslivet vert sett på vent.
- Usikkerheit / uføreseielegheit legg ei 'klam hand' over utviklinga av lokalsamfunna
- Det må i mykje større grad leggst vekt på vedtekne arealplanar ved planlegging/dimensjonering av framtidig straumnett
- Stranda har ein ny Energi- og klimaplan med store ambisjonar for å ta ned utsleppa i kommunen. Desse målsetjingane vert urealistiske så lenge infrastrukturen for el-forsyninga ikkje mogleggjer dei tiltaka som er naudsynte for å nå desse måla
- Stranda kommune stiller spørsmål ved om straumnettet vert bygd ut på ein samfunnsøkonomisk rasjonell måte. Situasjonen i Geiranger kan tene som eit godt døme på manglane ved dagens system, sjølv om alle bygdelaga i Stranda kommune har sterkt avgrensa tilgang på straum. Kommunen har sjølv sagt ikkje evne til å ta dei store investeringane som krevst for å rette opp i ein situasjon påført av storsamfunnet (nullutsleppsvedtaket), og kan ikkje ta ansvar for eit scenario overordna samfunnsmynde burde ha fanga opp og gjort noko med før den situasjonen vi opplever i dag oppstod.

Geiranger er eit nasjonalt reiselivsikon og det seier seg sjølv at storsamfunnet må ta det overordna ansvaret i slike tilfelle. Ein burde med andre ord i mykje større grad prioritere prosjekt utifrå eit overordna samfunnsperspektiv og ikkje ut i frå eit snevert økonomisk

Postadresse:
Øyna 13
6200 STRANDABesøksadresse:
ØynasenteretE-post
post@stranda.kommune.noTelefon
70 26 80 00Organisasjonsnr.
964 980 098

perspektiv frå nettselskapa si side.

Resultatet er at ingen tør ta risikoen med å etterspørje auka kapasitet fordi systemet gjer at kunden då vert sitjande med heile den økonomiske belastninga dette gir.

Staten må sjå på både infrastruktur og produksjon som eit overordna samfunnsansvar med anna finansiering enn i dag.

Ordførar får fullmakt i samarbeid med administrasjonen å utarbeide punkt som vart drøfta i møtet.

Med vennleg helsing
Stranda kommune

Inge Bjørdal
Næringssjef

Dette brevet er godkjent elektronisk i Stranda kommune og har derfor ikkje signatur.